

ORDE do 3 de decembro de 2025 pola que se establecen as bases reguladoras das axudas para paliar os danos producidos polo lobo e se convocan para o ano 2026. Consellería do Medio Ambiente e Cambio Climático. DOG N° 241, 15/12/2025

Obxecto e finalidade

Esta orde ten por obxecto establecer as bases reguladoras dunha liña de axudas a favor das persoas físicas ou xurídicas titulares de explotacións gandeiras afectadas polos ataques do lobo ás reses das súas explotacións, coa finalidade de compensar os danos ocasionados no seu gando, e proceder á súa convocatoria para o ano 2026 (código de procedemento MT809B)

Persoas beneficiarias

1. Poderanse acoller a estas axudas as persoas físicas ou xurídicas **titulares de explotacións gandeiras** do tipo de gando ovino, cabrún, porcino, bovino e equino, e que fose afectado por ataques de lobos dentro da Comunidade Autónoma.
2. Non poderán obter a condición de persoas beneficiarias propietarias de gando vacún leiteiro naqueles casos en que se poida demostrar unha **clara desatención na protección dos animais contra os ataques do lobo**, agás no caso de gando vacún leiteiro que por prescripción facultativa veterinaria deba permanecer fóra das instalacións gandeiras e que, téndose adoptado as adecuadas medidas de protección, sexa afectado por ataques de lobo.

Requisitos

O gando danado polo que se solicita a axuda deberá cumprir cos seguintes requisitos:

- a) Pertencer a unha persoa física ou xurídica titular dunha explotación gandeira inscrita na sección correspondente segundo o tipo de gando no **Rexistro Xeral de Explotacións Gandeiras de Galicia**.
- b) O gando bovino, ovino e cabrún deberá cumprir cos requisitos sanitarios establecidos nos **programas de control, vixilancia e erradicación de enfermidades** que poden afectar as especies gandeiras de acordo coa normativa aplicable para o efecto.
No caso **do gando porcino, deberá pertencer á raza Celta** e cumprir cos requisitos sanitarios establecidos no Real decreto 599/2011, do 29 de abril, polo que se establecen as bases do Plan de vixilancia sanitaria do gando porcino, e no Real decreto 360/2009, do 23 de marzo, polo que se establecen as bases do programa coordinado de loita, control e erradicación da enfermidade de Aujeszky.
- c) Estar identificado de acordo coa normativa aplicable para o efecto e, no caso de gando porcino de raza Celta, deberán estar identificados individualmente e estar inscritos no Libro xenealóxico da raza.

Ambito temporal

Nas **24 horas seguintes ao ataque** no caso de gando en réxime intensivo e de **3 días hábiles** no caso de gando en réxime semiextensivo ou extensivo, as persoas propietarias das reses deberán poñelo en coñecemento da Consellería de Medio Ambiente e Cambio Climático mediante unha **chamada, ao teléfono 012**, na cal se lles facilitará un código que servirá para acreditar a chamada e identificar o expediente.

Os animais mortos non poderán ser manipulados para non obstaculizar o labor investigador dos/das axentes que se despracen ao lugar para valorar os feitos e elaborar a correspondente acta.

Contía da axuda

O importe das compensacións dos danos establecerase en función das contías establecidas no **anexo I da orde**.

Especie	Clase e idade	Custo calidade normal	Custo calidade selecta (*)	Lucro cesante carne (femias)	Lucro cesante leite (femias)
Ovino	Cordeiro < 12 meses	110,11 €	140,14 €		
Ovino	Adulto ≥ 12 meses e < 6 anos	181,61 €	197,34 €	18,59 €	210,21 €
Ovino	Adulto ≥ 6 anos	41,47 €	48,62 €		
Cabrún	Cabrito < 12 meses	115,83 €	173,03 €		
Cabrún	Adulto ≥ 12 meses e < 6 anos	161,59 €	207,35 €	10,01 €	318,89 €
Cabrún	Adulto ≥ 6 anos	41,47 €	48,62 €		

Especie	Clase e idade	Custo raza Celta
Porcino	Leitón < 3 meses	130,13 €
Porcino	Porco ≥ 3 meses e < 6 meses	217,36 €
Porcino	Porco ≥ 6 meses e < 9 meses	288,86 €
Porcino	Porco da ceba ≥ 9 e < 12 meses	433,29 €
Porcino	Porco da ceba ≥ 12 meses	549,12 €
Porcino	Reprodutora	520,52 €
Porcino	Reprodutora preñada	577,72 €
Porcino	Reprodutor	650,65 €

Especie	Clase e idade	Custo Rubia Galega	Custo outras razas autóctonas	Custo vacún leiteiro	Custo resto de reses de gando vacún	Lucro cesante carne (femias)	Lucro cesante leite (femias)
Bovino	Becerro < 2 meses	533,39 €	629,20 €	418,99 €	418,99 €		
Bovino	Becerro ≥ 2 meses e < 4 meses	670,67 €	800,80 €	533,39 €	533,39 €		
Bovino	Becerro ≥ 4 meses e < 6 meses	1.131,13 €	1.465,75 €	979,55 €	979,55 €		
Bovino	Becerro ≥ 6 meses e < 1 ano	1.151,15 €	1.515,80 €	1.012,44 €	1.012,44 €		
Bovino	Vacún ≥ 1 ano e < 2 anos	1.537,25 €	2.009,15 €	1.675,96 €	1.341,34 €		
Bovino	Vacún ≥ 2 anos e < 6 anos	1.904,76 €	2.858,57 €	2.536,82 €	1.748,89 €	138,71 €	1.983,41 €
Bovino	Vacún ≥ 6 anos e < 9 anos	1.522,95 €	2.093,52 €	1.397,11 €	1.397,11 €	138,71 €	1.983,41 €
Bovino	Vacún ≥ 9 anos	913,77 €	1.141,14 €	763,62 €	763,62 €	138,71 €	1.983,41 €

Especie	Clase e idade	Custo Pura Raza Galega	Custo outros cabalos
Equino	Poldro < 2 meses	346,06 €	277,42 €
Equino	Poldro ≥ 2 meses e < 4 meses	451,88 €	346,06 €
Equino	Poldro ≥ 4 meses e < 6 meses	629,20 €	523,38 €
Equino	Poldro ≥ 6 meses e < 1 ano	943,80 €	787,93 €
Equino	Equino ≥ 1 ano e < 2 anos	1.006,72 €	859,43 €
Equino	Equino ≥ 2 anos e < 10 anos	1.258,40 €	858,00 €
Equino	Equino ≥ 10 anos	943,80 €	712,14 €
Equino	Asnal < 1 ano	95,81 €	
Equino	Asnal ≥ 1 ano e < 10 anos	317,46 €	
Equino	Asnal ≥ 10 anos	238,81 €	
Equino	Mular < 1 ano	158,73 €	
Equino	Mular ≥ 1 ano e < 10 anos	476,19 €	
Equino	Mular ≥ 10 anos	354,64 €	

Prazo de presentación das solicitudes de axuda

Os prazos de presentación da solicitude de axuda serán os seguintes:

- Para os danos comunicados entre o 1 de outubro de 2025 e o 16 de decembro de 2025, o prazo de presentación será ata o 16 de xaneiro de 2026. É requisito imprescindible que se teña previamente comunicado o ataque.
- Para os danos ocasionados a partir do 16 de decembro de 2025, o prazo de presentación será dun mes contado desde o día seguinte ao da comunicación do dano, ao teléfono 012.